

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADSKO VIJEĆE
Statutarna komisija

Broj: 01-interno/21
Bihać, 06.05.2021.godine

Na osnovu člana 140. Poslovnika Gradskog vijeća Bihać („Službeni glasnik Grada Bihaća“, broj 3/16 i 4/20), predsjedavajući Gradskog vijeća, u svojstvu predlagača prijedloga Zaključka o prihvatanju inicijativa Kluba vijećnika „PoMAK“ i vijećnice „Naše stranke“ Šeherzade Delić za održavanje tematske sjednice o generalnom stanju čistoće Grada, onečišćenje određenih područja Grada od strane migranata odnosno onečišćenost i nehigijena Grada Bihaća, ispred Statutarne komisije:

O D R E Đ U J E

Izvjestioca Zulfikara Handukić, predsjednika Statutarne komisije na 10. tematskoj sjednici Gradskog vijeća i radnim tijelima po prijedlogu tačke dnevnog reda:

ZAKLJUČAK O PRIHVATANJU INICIJATIVA KLUBA VIJEĆNIKA „PoMAK“ I VIJEĆNICE „NAŠE STRANKE“ ŠEHERZADE DELIĆ ZA ODRŽAVANJE TEMATSKE SJEDNICE O GENERALNOM STANJU ČISTOĆE GRADA, ONEČIŠĆENJU ODREĐENIH PODRUČJA GRADA OD STRANE MIGRANATA ODNOSNO ONEČIŠĆENOST I NEHIGIJENA GRADA BIHAĆA

Predsjedavajući Gradskog vijeća
Zulfikar Handukić

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADSKO VIJEĆE
Statutarna komisija
Broj: 01-interno/21
Bihać, 06.05.2021.godine

PREDMET: Prijedlog Zaključka o prihvatnju inicijativa Kluba vijećnika „PoMAK“ i vijećnice „Naše stranke“ Šeherzade Delić za održavanje tematske sjednice o generalnom stanju čistoće Grada, onečišćenju određenih područja Grada od strane migranata odnosno onečišćenosti i nehigijeni Grada Bihaća, dostavlja se.-

Na osnovu člana 138. Poslovnika Gradskog vijeća Bihać („Službeni glasnik Grada Bihaća“, broj 3/16), Statutarna komisija dostavlja Gradskom vijeću Bihać Prijedlog Zaključka o prihvatanju inicijativa Kluba vijećnika „PoMAK“ i vijećnice „Naše stranke“ Šeherzade Delić, za održavanje tematske sjednice o generalnom stanju čistoće Grada, onečišćenju određenih područja Grada od strane migranata odnosno onečišćenosti i nehigijeni Grada Bihaća, na razmatranje radi donošenja, uz sljedeće:

O b r a z l o ž e n j e

Pravni osnov

Pravni osnov za donošenje predloženog Zaključka o prihvatanju inicijativa Kluba vijećnika „PoMAK“ i vijećnice „Naše stranke“ Šeherzade Delić za održavanje tematske sjednice o generalnom stanju čistoće grada, onečišćenju određenih područja grada od strane migranata odnosno onečišćenosti i nehigijeni grada Bihaća sadržan je u odredbama člana 138. stav (4) Poslovnika Gradskog vijeća Bihać („Službeni glasnik Grada Bihaća“, broj 3/16 i 4/20), kojim je utvrđeno da po pribavljenom mišljenju Statutarne komisije, predsjedavajući inicijativu, zajedno sa mišljenjem, uvrštava u prijedlog dnevnog reda sjednice Vijeća i članu 132. alineja a) Poslovnika kojim je utvrđeno da Vijeće Zaključkom u okviru svog djelokruga, između ostalog, zauzima stavove i izražava mišljenje o pitanjima o kojima je raspravljalo.

Razlozi donošenja Zaključka

Dana 06.04.2021.godine Klub vijećnika „PoMAK“ podnio je predsjedavajućem Gradskog vijeća inicijativu za održavanje tematske sjednice o generalnom stanju čistoće grada odnosno onečišćenosti određenih područja grada od strane migranata.

Podnijeta Inicijativa u skladu sa članom 138. stav (1) Poslovnika Gradskog vijeća Bihać („Službeni glasnik Grada Bihaća“, broj 3/16 i 4/20) dostavljena je Gradonačelniku grada Bihaća radi razmatranja i zauzimanja stava po podnijetoj inicijativi.

Takođe, vijećnica političke organizacije građana „Naša stranka“ GO Bihać, Šeherzada Delić na 5. sjednici Gradskog vijeća, koja je održana dana 23.02.2021.godine podnijela je Inicijativu za održavanje tematske sjednice na temu onečišćenosti i nehigijeni grada Bihaća.

Postupajući po podnijetoj inicijativi vijećnice Šeherzade Delić, predsjedavajući Gradskog vijeća dostavio je inicijativu Gradonačelniku na nadležno postupanje.

Dana 13.04.2021.godine održana je sjednica Kolegija Gradskog vijeća na kojoj je predsjedavajući Gradskog vijeća upoznao Kolegij o stavovima Gradonačelnika po dostavljenim inicijativama.

Kako se u podonijetim inicijativama Kluba vijećnika „PoMAK“ i vijećnice „Naše stranke“ Šeherzade Delić radi o istom činjeničnom i pravnom osnovu, to je u smislu spojenih zahtjeva, Statutarna komisija raspravljala o istim i svoj stav iznijela u jednom mišljenju.

Gradonačelnik grada Bihaća je u smislu člana 138. stav (2) Poslovnika Gradskog vijeća Bihać, obavijestio predsjedavajućeg Gradskog vijeća o svom stavu po podnijetim inicijativama, u kojem navodi da prihvata inicijativu Kluba vijećnika „PoMAK“, odnosno inicijativu vijećnice političke organizacije građana „Naša stranka“ GO Bihać, Šeherzade Delić, za održavanje tematske sjednice na kojoj će se raspravljati o stanju čistoće grada odnosno onečišćenosti određenih područja grada od strane migranata, te uopće o onečišćenosti i nehigijeni kakvo je trenutno stanje u pojedinim gradskim područjima.

Navedene inicijative Gradonačelnik je prihvatio s ciljem doprinosa Gradskog vijeća ekološkim akcijama, koje toku mjeseca aprila i maja provode brojne organizacije i ljubitelji prirode, te gradske ustanove i preduzeća pod motom „Proljeće nas pokreće“. Prihvatanjem navedenih inicijativa Gradonačelnik predlaže da Gradsko vijeće donese zaključke kojim će obavezati međunarodne organizacije koje rade s migranitima da se uključe u trenutne akcije čišćenja odnosno da se pokuša donijeti dugoročnije rješenje za problem velikih količina smeća koje na svojim rutama kroz Grad Bihać odbacuju migranti.

Uzimajući u obzir naprijed navedene stavove, Statutarna komisija je mišljenja da se navedene inicijative prihvate, održi tematska sjednica u cilju donošenja zaključaka od strane Gradskog vijeća Bihać kojim će se odrediti aktivnosti i nosioci aktivnosti koji će doprinijeti poboljšanju čistoće grada, javnih površina, održavanje zelenih površina odnosno pranje javnih površina.

Komisija prosljeđuje predmetne inicijative Gradskom vijeću, na razmatranje i zauzimanje konačnog stava.

Finansijska sredstva

Za realizaciju ovog Zaključka nisu potrebna dodatna finansijska sredstva.

Predsjednik Komisije
Zulfikar Handukić

Na osnovu člana 138. i 139., a u vezi sa članom 132. tačka b) Poslovnika Gradskog vijeća Bihać („Službeni glasnik Grada Bihaća“, broj 3/16 i 4/20), Gradsko vijeće Bihać na 10. tematskoj sjednici, održanoj dana 11.05.2021.godine, razmatrajući podnijeti inicijative Kluba vijećnika „PoMAK“ i vijećnice „Naše stranke“ Šeherzade Delić, donijelo je:

ZAKLJUČAK O PRIHVATNJU INICIJATIVE KLUBA VIJEĆNIKA „PoMAK“ I VIJEĆNICE „NAŠE STRANKE“ ŠEHERZADE DELIĆ

I

Prihvataju se inicijative Kluba vijećnika „PoMAK“ i vijećnice „Naše stranke“ Šeherzade Delić za održavanje tematske sjednice o generalnom stanju čistoće Grada, onečišćenju određenih područja grada od strane migranata odnosno onečišćenosti i nehigijeni grada Bihaća.

II

Nakon provedene rasprave po podnijetim inicijativama na tematskoj sjednici, Gradsko vijeće Bihać donijet će zaključke kojim će utvrditi aktivnosti, nosioce aktivnosti i rokove za provođenje zaključaka, a sve u cilju poboljšanja čistoće grada.

III

Ovaj Zaključak stupa na snagu danom donošenja.

Gradsko vijeće
Broj: 01-_____
Bihać, 11.05.2021.godine

Predsjedavajući Gradskog vijeća
Zulfikar Handukić